

景定建康志卷之二十一

承直郎宜差充江南東路安撫使司幹辦公事周應合修纂

城闕志三

亭軒

忠孝亭

在天慶觀西昔為冶城晉卞壺與二子同死

蘇峻之難其墓在焉南唐於此建忠貞亭穿地得斷

碑徐鍇為之識

宋朝慶歷三年葉公清臣取其

父為忠臣子為孝子之言始改曰忠孝元祐八年曾

公肇即亭為堂繪壺像其中列諸祀典而為之記建

つりこ

建康志卷三

炎間堂廢紹興十五年晁公謙之復為亭乾道四年

史公正志與轉運判官韓公元吉益新之取曾公所

為記重刻之石立于亭左嘉定四年留守黃公度改

建堂上為冶城樓

天台周道子及詩云晉鼎饒晚姦人窺執謀國者如兒戲陷穽弗設

延虎豹號闕搏噬嬰者摧羣公奔潰不敢誰卞公力疾起督師謂事迫矣奚生為以肉餒虎吁

可悲公則死矣二子隨偉哉忠孝萃一時維公忠義天所資向來謀國如著龜不用吾言至於

斯為社稷死則死之冶城之麓江之湄荒塚突兀餘豐碑半生讀史長歎欲拜公之墳涕霑頤

死者可作吾誰歸嗟哉江左固多士往往所欠惟一死元規兒輩何足罪王公偪仄石頭裏氣

息奄奄有如泉下鬼蘇武之節不如是視公胡不額有泚男子之死一言耳死而不亡公父子



**賞心亭**在下水門之城上下臨秦淮盡觀覽之勝丁

晉公謂建舊志景定元年亭燬馬公光祖重建

**考證**李學士家談曰揚州有賞心亭此其始也

○湘山野錄及茗溪漁隱及金陵事迹皆云丁晉公鎮金陵重建賞心亭其家藏卧雪圖張於屏乃唐周昉筆經十四太守雖極愛不敢輒取後爲一太守以凡筆畫蘆鴈易之○祝穆編方輿勝覽引續志云丁始與金陵陸辭之日

真宗出八幅袁安卧雪圖付丁謂曰卿到金陵

可選一絕景處張此圖謂遂張於賞心亭按乾道舊志及湘山野錄茗溪集金陵記王密學詩序皆言賞心亭卧雪圖出於晉公家藏不言

御賜唯晉公圖畫見聞志中以此圖爲

真宗所賜和父蓋本此耳考之 宋朝史傳會

要記聞等書皆無賜圖之事而僅見於晉公所  
作圖畫志中或謂晉公既張此圖慮爲好事者  
取去故設爲 御賜之說以保之而卒不能保  
勝覽始爲圖畫志所誤也未詳孰是姑兩存之

景定庚申四月二十一日龍王廟災風盛燄熾其東正接大軍廣濟諸倉積貯之命也而風燄向之馬公光祖至倉所叩頭祈天風反而西倉廩得全舊賞心亭在龍王廟西正當風反之處不免煨燼公曰倉燬則食難足亭燬易建也亟命工度材重建斯亭選幕屬朱幼學董其事不日而成視舊觀雄偉過之為金陵第一勝槩

**密學王公**詩云千里秦淮在玉壺江山清麗壯吳都昔人已化遼天鶴舊畫難尋卧雪圖冉冉流年去京國蕭蕭華髮老江湖殘蟬不會登臨意故噪西風入坐隅。 **國朝公**安石詩檻折

簷傾野旁臺城佳氣已消亡難披草莽尋千古獨倚青冥望八荒坐覺塵沙昏遠眼忽看風雨破驕陽扁舟此日東南興欲望江流萬里長。又霸氣消磨不復存舊朝臺殿只空村孤城倚薄青天近細雨侵尋白日昏稍覺野雲成晚霽却疑山月是朝暎此時江海無窮興醒客無言醉客喧。 **侍讀張公**愛詩洲圍淮口江形狹亭上城頭月色多。 **王坡公**詩六朝遺迹此空存城壓滄波到海門萬里江山來醉眼九秋天地入吟魂于今玉樹悲歌起當日黃旗王氣昏人事不同風物在悵然猶得對芳樽。 **公必大**賞心亭醪會古風晉人誇新亭暇日輒高會中間伯仁輩未免楚囚對江山猶古昔人物已曖昧東郊今保釐翠華記行在佳麗饜淮楚追遊盛冠蓋茲樓貫城雉于邁無小大令威雖不歸靈光故無礙烟雲互明滅川郭相映帶當年烏衣遊此日思心槩從容值休沐登臨多慷慨幽懷忽軒豁細故絕芥蒂已尋詩社盟更

建康志卷三

四

月波秋非尋鶴相當年盡誰記坡仙舊日遊回首興亡多少事漁舟獨不掛閑愁○後村劉公

其登臨酒邊多說烏衣事曲裏猶殘玉樹音江

水淮山明歷歷孫陵晉廟冷沉沉曉鍾呼覺俱

忘却獨記千門柳色深○見說斯亭勝

同為此日游賞心那復有愁緒不勝稠江水鳴

如恨淮山慘似秋鬢毛將白盡為問若為酬○

嘉之蛾眉巴陵岳陽之樓黃之臨臯金陵之賞

心白鷺揚之平山吳之蘇臺茂苑荆楚之雲夢

滁之瑯邪九江之庾樓皆延庚揖辛賓夕陽而

許食期戒佳賓滿坐上好語來天外舟移白鷺

遠目送飛鳥快方種淵明秫粗免監河貨一醉

儻可期與君時倒載○高公九傳登賞心亭詩

江亭如倚釣魚磯面面雲簷勢欲飛西望汀洲

依白鷺東連巷陌接烏衣六朝更代何人守千

古興亡事總非客子獨憐風景好倚欄長是欲

忘歸○曹元寵詩白鷺洲邊蘆葉黃石頭城下

水茫茫江山不管事興廢今古坐令人感傷六

代豪華空處所千秋城闕委荒涼空餘眼外無

窮景助我憑欄到夕陽○米公帝詩晴新山色

黛風縱蘆花雪盡日倚欄干寒霄低細月○姜

先彥詩樓外青山刮眼明軒窗當暑更風清地

分南北開天險江泛東西幾客程四者難并同

酸筆一之已甚厭戈兵最憐夜夜秦淮月相伴

依然似友生○北谷羅必元詩勝地分明可賞

心江山滿目飽登臨洛陽黯淡烟雲遠多少英

雄淚染襟○潛齋王公楚詩物華盡入錦囊收

留與江山做話頭桃葉數聲風力晚蘆花萬頃

之虛高實用之實高虛母勝實虛而勝無慨千

幾何人目以玩賞口以吟賞而真賞以心者幾

北望中原憤惕不敢暇逸處可賞耶古今遊宦

記賞心亭佳麗地之壞觀可賞已如先正言此

導初月校奇品勝於登臨為宜○大山蕭山則

希人心天以玩賞口以吟賞而真賞以心者幾

之虛高實用之實高虛母勝實虛而勝無慨千

數百年之消息興懷四十餘帝之盛衰烟蕪凝  
愁風濤磯感宮雉相望客心悲未央其心耳事  
跡東流傷心長春草其心耳騷人賞自高如虛  
何實而勝莫若王謝高宴飲新亭賞也戮力王  
室剋復神州實之放情丘壑賞也棋墅指授破  
賊淮淝實之曠不弛勞清不妨要以虛豁心之  
壅滯以實發心之精明兩公實高之賞歟虛高  
者荒實高者強用實心辦實功今大制使資政  
裕齋馬公之心王謝心也無賞心也何以亭於  
新一酒不歡甘苦其同錢不妄調度其供何  
以亭於費讀開寶一年月詔官受代歷書廢  
增毀以定殿最見亭毀於燬而無動心有嫌心  
日羯胡透渡江上危甚公啓元戎行蒙公先驅  
祀姑後張循視大江嚴險棘之防進駐上流雄  
倚角之勢神龍擎淵威虎憑林英稜挫其遐衝  
洪基屹其磐石馳驚再歲始押刃而韜弦此一  
功殊大新北亭賞秦淮洗兵也賞豈虛賞者屏  
卧雪圖賞之浮獨倚青冥賞之游公之心心

建康志卷三

五

實也鳳凰去已久正當今日回有思治心去惡  
如去草養花如養賢有贊治心想虞雍公督舟  
采石而捷聞則義心激愛張魏公勞軍沙上而  
虜奔則壯心生充是心之實何賞乎以調玉燭  
之明為時和賞以補金甌之缺為國壽賞以鐵  
劍利而倡優拙為外禦內修賞非賞之賞此之  
謂大賞高哉凡役屬其屬朱幼學凡費不書惟  
一非三是牽聯書亭前為張麗華墓一賞賴有  
一戒存萬代之永監而前守夷之非是東卽張  
忠定公所翹折柳亭謹送迎也西卽蘇文忠公  
嘗題柱白鷺亭尚典刑也又西橫江館取李太  
白人言橫江好之句以名實如歸也三併新之  
是亭事畢出餘力築舒州二十載久復隍之  
城以舒隸昇闡故遠且城之而况於近亭皆一  
實所成觀之坎有孚維心亨剛中也中畫一陽  
蓋象心心剛則實往乃有功公當習坎之出以  
剛為實心亨有道矣賞大矣躋亭覽景弄筆而  
賞以詩公心憤惕未暇也有大父野亭先生百

詠在景定二年二月朔大山蕭山則記併書雪坡姚勉書蓋

**白鷺亭**接賞心亭之西下瞰白鷺洲柱間有東坡留

題舊志景定元年馬公光祖重建詳見賞心亭下

**考證**李白鳳凰臺詩有二水中分白鷺洲之句

亭對此洲故名○蘇文忠公軾嘗題其柱王勝

之龍圖守金陵一日而移南郡東坡居士作長

短句以贈之千古龍蟠并虎踞從公一吊興亡

處渺渺斜風吹細雨芳草渡江南父老留公住

公駕飛車凌綵霧紅鸞叅乘青鸞馭却訝此洲

名白鷺非吾侶翩然欲下還飛去荆公詩柱上題名

客姓蘇江山清絕冠吳都六花飛舞憑欄處一

本天生卧雪圖○斯庵在希夷江水悠悠淮水

流臺城寂寂石城留淒涼白鷺洲頭月會照前

朝玉樹秋○王公興詩白鷺傲西軒棟宇窮爽

塏千峯若聯環翠色不可解是時天宇曠六幕

無纖靄金斗熨秋江素練橫衣帶乾坤清且歛

氣象朝昏改蘆花作雪風飛舞來滄海九霄汀

鶴起萬里檣烏快月上三山頭烏沒橫塘外滄  
茫洲渚寒銀錯星斗大開樽屏絲竹披襟向蕭  
籟余生本江湖偃蹇欣所會清興雖自發苦嗜  
亦吾累魚龍憑夜濤四面忽滂湃安得犀燈然  
煌煌發水怪○黃尚書度詩白鷺亭前白鷺飛  
定知公子未忘機我來猶識難馴意江際翩翩  
趁落暉○**鷺入之**詩白鷺亭前白鷺飛山如  
屏障水如圍水中獨立鸞窺鏡沙上羣行雪滿  
磯白日不來爭碧樹有時同往送斜暉江山得

此方成畫撩得遊人不憶歸又和人韻一見斯亭喜可知風來拂拂更清微青山坐處天開畫白鷺飛時雪滿磯何必搜奇效康樂正應得句似元暉最憐別浦潮生後須有征帆萬點歸○龍溪劉過詩何人將我此來遊白鷺那知客有愁如子矜持山玉立似予迂闊水盤洲塵襟抖擻風雲入石刻摩挲歲月流惆悵謫仙鸞馭遠離離別恨黯難收○羅公愚詩千古城頭白鷺亭鷺飛長是滿江汀如何覽德輝臺上只有臺存鳳不靈○葉燾次韻白鷺洲邊敞此亭淮山江水瞰蘆汀鷺飛點點星顏色那侶公山鶴有靈

**二水亭**在下水門城上下臨秦淮西面大江北與賞

心亭相對歲月寢久舊址僅存乾道五年秋留守史

公正志因修築城壁重建自爲記舊志

吾又

建康志卷五

七

**考證**李白鳳凰臺詩二水中分白鷺洲亭名取

**此也**記云秦淮源出句容溧水兩山自方山合

截其間李太白所謂二水中分白鷺洲是也來

秦淮兩城隅對峙北爲賞心亭其南闕焉登城

而望坐挹牛首可憑藉如梭淮山一帶沙洲煙

嶼皆不遺豪髮意古必有亭其上者一旦父老

謂予曰此承平時二水亭也考於圖志不載嗚

呼六朝以來迨今九百餘年其廢興成敗可勝

言哉今之爲城蓋自徐溫之改築亭以二水久

不知爲何時豈歲月久遠故不傳邪城下二水

混混東流古今固自若也昔羊叔子登峴山顧

其客鄒湛曰自有宇宙便有此山勝士登此遠

望如我與卿者多矣皆湮滅無聞使人悲傷湛

曰公名與此山俱傳若湛輩當如公言耳嗟夫

有志之士慨其名之不與山傳也如此頃者城

壁缺壤才辨瓦礫是亭之名失其傳久矣况於

一時登臨之人哉。碑石果可託於岷山為不朽乎。蓋笑叔子之志真區區也。予方修築城隅，復建是亭，揭以舊名而為之記。後有來者覽江山之勝而讀予之文，因悟夫城之與亭，廢興成敗相尋於無窮而人事得喪倏往而忽來，思所以託名於後世者可不慨然有感而為之賦邪。乾道五年十月望日，左朝散郎充敷文閣待制知建康軍府事提舉學事兼管內勸農營田使充江南東路安撫使馬步軍都總管兼行宮留守司公事史正志記。左朝奉郎新權通判楚州軍州主管學事賜緋魚袋杜易書并題額。

**冶亭** 在冶城

**考證** 宋義熙十一年劉鍾領石頭戍事屯冶亭

今即冶城樓所在之處

〇〇二八

建康志卷三

八

**東冶亭** 舊志云在城東八里續志云在城東二里汝

南灣西臨淮水今此亭在半山旁有瑞麥知稼二亭

**考證** 晉太元中三吳士大夫於汝南灣東南置

亭為餞送之所西臨淮水即當時冶處○謝安

為揚州袁宏為東陽郡祖道於冶亭羣賢畢集

○南史王裕之元嘉六年遷尚書令固辭表求

東還改授侍中及東歸車駕幸東冶餞送○乾

道五年留守史公正志於半山寺前重建留尹云

史公治效之明年作亭東郊並鍾山之南前臨大達距城五里所謂僚屬曰厥今驛湊居所使



命賓客畢出於是當六朝時名園甲第瑰壯秀麗之觀山川之形勝占是為多使夫往來者休焉有以寓登臨觀覽俯仰古今感慨愉悅之適斯亦一奇也如將奚名或曰晉東冶有亭在縣東汝南灣桃花園之間三吳冠蓋送餞於此夫亭近是盍以東冶名公命密為之記辭弗聽則進而而言曰夫亭整暇為之也故為之無勞而享者易之且國家建置行都逮今數十年自城雉廩庾取士之宮齊民之居室因仍故常或缺弗治而公之承之猶自若也獨如亭何惟其悉繕悉營云一不備而後及此則後推公之治能整且暇焉者夫亭所以識也雖然豈彈公志哉蓋立館於國以待方國之諸侯列邸於郊以待四夷之客使俾朔南萬里拱極面內以尊京師是以公之志云耳而殫於是哉密聞之也結耗者志在糾紛運甓者心存乎憂勞君子作於小所以寓大嘗試從公夫亭之上東挹方山西眺石城以望大江南瞻牛首之岩堯北顧鍾

山之大小且高商形制之謂何論險塞之所如究方來之若為悼已往之弗圖而寓諸遊觀之娛斯亦庶幾公之志乎公曰唯遂記之乾道五年春三月左文林郎觀察推官三密記左朝奉郎通判軍府事嚴煥書○馬之純詩舊時只說東西冶今日轉為長短亭無奈梅花臨水白可堪柳色向人青十分澹灑苦難把三疊淒涼誰忍聽不道離愁堆滿屋往來車馬放教停○楊虞部備詩忍淚相看酒共持一生心事幾人知年年折盡東亭柳此別綿綿無盡期

事琪以四面皆田作亭于旁以知稼名胡公槻

為書榜并題二詩 詩云周公說稼成王師樊遲

學艱難之事惟當知江淮制帥周公似取以名亭意如此遙知袖有無逸篇準擬歸時獻天子

歲久扁坼穰夷景定辛酉馬公光祖新之既復

東冶知稼舊扁又增一亭扁曰**瑞麥**與知稼對  
時是年上元縣惟政鄉麥秀兩歧知縣鍾蜚英  
上其瑞聞于朝 上有宣諭曰芝封來 上麥  
穗呈祥良由善政之致和式表豐年之嘉兆宜  
宣德意仰荅天休亭所以名也

**覽輝亭**

在今保寧寺後鳳凰臺舊基側寺有覽輝亭

碑刻缺不可讀莫詳其人唯歲月可考蓋熙寧三年  
夏四月也詳見鳳凰臺

**翠微亭**

在城西五里清涼寺山頂南唐時建 國朝

〇〇〇九

建康志卷三

十

乾道間亭已不存 舊志不載續志云廢紹熙中復建隸淮西總

領所景大亭小淳祐己酉總領陳公綺新而大之石

城登臨最佳處也

翠微又送方大師歸金陵云長干

古寺游行子為到清涼看翠微 〇丹陽胡錫詩

帆穿萬里江心過雲傍六峯山頂來 〇潛齋詩

與齊山俱絕唱量如滄海且頻斟地高宇宙雙

眸豁人老風霜兩鬢侵感慨石城勲業舊侃居

夏口嶠居深 〇建康志六朝以石頭為重戊府

庫甲兵萃焉至南唐始為離宮此天所以開混  
一也然而翠微之景實甲於天下林和靖隱居  
西湖得得來游見之賦詠則其稱絕可知矣中  
興以來翔總領所亭隸之豈以金穀之冗瑣易  
生煩厭非江山之清絕不足陶寫邪又不然則  
中間必有文人騷客名輩清流以是人而居是

建康志卷三

十一

官故能為是官而有是景邪淳祐已酉春余自  
 當塗來故人少司農天台陳綺伯奇實護餉事  
 嘗因暇日相與徜徉其上余舉酒屬伯奇曰是  
 亭之址居山之顛無所障礙故無非景物夫其  
 南為方山則秦皇之所環滁則歐陽公之所與  
 天子氣者也其北為環滁則歐陽公之所與  
 客遨遊作亭其上而名為醉翁者也其西為三  
 山則元暉之所登以望京邑太白之所眺以懷  
 長安者也其東為鍾阜為雞籠則雷次宗周顒  
 阮孝緒韋渠牟輩之所以隱居求志邈世無悶  
 者也迺若長江自西亘北銀濤雪瀾洶涌湍疾  
 煙帆風席杳靄滅沒朝宗于海晝夜不息與夫  
 遙岑近岫危峰斷嶺如列畫圖如植屏障或雲  
 靄之出入或煙霞之明晦或晴霽而日月朗或  
 風雨而雷電暝朝莫四時千變萬態不可名狀  
 者無非此亭之景也然景大而亭小不可以縱  
 目而騁懷景四面而亭一面不可觀而並  
 覽坡翁有曰登臨不得要萬象覺偃蹇子盍圖

之伯奇曰諾會其以憂於職而病又以最於職  
 而召夫憂於職而病則所亟者藥裹最於職而  
 召則所趣者行裝其於游眺之所必不暇過而  
 問是不惟人意之雖余亦意之也居無何忽折  
 東告曰亭已成矣昔亭一圖而觀則四面矣余  
 驚喜冗未能造亟命工繪圖取而觀之自西自  
 東自南自北凡景之所舉酒而屬者無一不酬而  
 景皆赴之余之所營繕之巧則又其次也夫  
 土木之壯丹艘之工營繕之巧則又其次也夫  
 金陵六朝舊都故其形勢周遭迴環其江山雄  
 偉壯麗非偏州小壘可望萬分一前人登覽之  
 地如賞心如鳳凰如雨華如青溪皆最佳處不  
 獨翠微而已也而大景物每無大棟宇以彈壓  
 之不惟無大棟宇而其小者亦皆將仆焉余  
 雖有志於此而力未暇及今伯奇當財賦正赤  
 病疾未瘳命召將行之際而能鼎新之使三百  
 年之景物一旦軒豁呈露無餘則其丘壑之所  
 楚楚不凡鞭筭之才綽綽有餘蓋非餘子之所

能及而尤余之所甚愧焉者也夫翠微之為景一絕也伯奇之為亭二絕也又以鶴山魏公了翁舊扁而揭之人與斯亭斯景俱稱三絕也故書亭為屋二十四楹落成於庚戌之十一月且資政殿學士太中大夫沿江制置使充江南東路安撫使馬步軍都總管兼營田使兼知建康軍府事兼管內勸農使兼行宮留守節制和州無為軍安慶府兼三郡屯田使金陵郡開國侯食邑一千三百戶食實封一百戶

**新亭**

亦曰**中興亭**去城西南十五里近江渚

**考證**

丹陽記曰京師三亭吳舊立先基既壞隆

安中丹陽尹司馬恢徙創今地世說過江諸人每至暇日輒相邀出新亭藉卉飲宴周侯顛在

282 建康志卷三

十一

坐歎曰風景不殊舉目有江河之異皆相視流

淚惟丞相導愀然變色曰當共戮力王室尅復

神州何至作楚囚相對泣耶洛陽四山圍伊洛瀍澗在中建康亦

四山圍秦淮直瀆在中故云風景不殊舉目有江河之異李白云山似洛陽多許渾云只有青

山似洛中謂此也蔡孝武寧康元年桓温來朝

頓兵新亭召王坦之謝安安發其壁後置人温

為却兵笑語移日○隆安劉牢之自栗洲應桓

元進敗王師於此○楊佺期至石頭聞劉牢之

領北府兵在新亭賊皆失色乃回師屯于蔡洲

崔慧景兵至新亭石頭白下兵皆潰○徐道覆  
勸盧循焚舟自新亭步上○宋孝武入討至新  
亭修建營壘因卽位王僧達始改爲中興亭○  
元徽二年桂陽王休範舉兵朝廷集議或欲依  
舊遣兵據梁山蕭道成以謂新亭正是賊衝昔  
上流謀逆皆因淹緩以敗休範懲之必輕兵急  
下乘我無備請頓兵新亭以當其鋒乃出新亭  
治城壘未畢賊遽至道成登西垣使陳顯達等  
與賊水戰大破之賊將丁文豪設伏破皂莢橋

建康志卷三

十三

軍直至大航復陷東府或傳新亭亦陷道成遣  
周盤龍等從石頭濟淮間道自承明門入衛宮  
關道成仍守新亭卒破休範○宋討晉安王子  
勛所向克捷事平明帝大會新亭勞諸軍主擣  
蒲官賭○梁武帝起義兵進屯江寧東昏使李  
居士率兵屯新亭梁擊破之遂次新林○乾道  
五年留守史公正志卽故基重建亭自爲記

記云  
西南去城十二里有岡突然起於丘墟壠晦間  
其勢回環險阻意古之爲壁壘者或曰此六朝  
所謂新亭是也予考之地志信然方六朝時止  
流奔衝用兵戰爭無不扼此相拒先據者勝亭

之名始見于東晉至宋王僧達更為中興亭其  
 後千戈相尋鞠為榛莽不知幾年矣子因送客  
 過之衰回顧眠愴然有感乃即其地稍南為亭  
 榜以舊名其制崇高廣袤雖未必及於舊而山  
 川形勢登覽之勝煥然如新則世之士暇日相邀  
 出新亭周顛中坐興嘆謂風景不殊舉目有江  
 河之異因相與流涕獨王導變色以楚囚對泣  
 責之且有戮力王室尅復神州之言導可謂有  
 其志矣當一馬化龍之後導首任相柄非不立  
 志恢復而元戎屢動不出江圻經畧區區僅全  
 吳楚以至中更敦峻之叛下陵上辱紀綱不振  
 導於是時浮沉俯仰終其身自開學校一事畧  
 不能有所建立平居暇日非清談自命則有短  
 轅犢車長柄塵尾之譏驗以前日之言徒虛語  
 耳所謂江左夷吾功烈如是其卑乎蓋人之情  
 多銳於新而怠於久自古規模之作於新者不  
 苟則勲業之傳於久者必大天下萬物無不始  
 於新也新新以為用則精神運動之妙鼓舞天  
 下雖百世作興而不窮不能者日就因循苟且  
 而不知所以振起故自其新者觀之則物無不  
 故自其善用者觀之則物無有故而皆可以日  
 新矣中原者東晉故物也南渡之初庶事草創  
 故以江左為新造而亭之名亦因以為新導不  
 能今日用其新以酬其素志宴安有以敗之也然  
 則今日新亭之復豈特為將迎游燕之地憑高  
 眺遠動游子之悲而發北客之嘆也哉嘗試與  
 客登亭四望其西定山一帶清曠龍洞綿亘數  
 百里實與長江為唇齒之勢其東牛首方山緣  
 延周匝意斗牛間王氣宛然自若也其南則新  
 林板橋控扼屯守之所歷歷可考其北幙府諸  
 山連接石頭躡踞如虎想孫權城築之氣尚凜  
 凜如生也南北負隔中原如故要當哭泣於歡  
 笑之際藥石於強壯之時不敢怠於新以圖其  
 故功名之士患無志耳苟有其志又患無其才  
 今天下豪傑輩出安敢厚誣以為無人異時擊

不夕不

建康志卷三

五

檝渡江掃清中原以日新之志收日新之功使  
 王導一時空言乃驗於百世之下者庶幾是亭  
 有以發之乾道五年月望日左朝散郎充敷  
 文閣待制知建康軍府事提舉學事兼管內勸  
 農營田使充江南東路安撫使馬步軍都總管  
 兼行宮留守司公事史正志記左朝奉郎權  
 通判楚州軍州主管學事賜緋魚袋杜易書并  
 題額○曾極詩青山四合遶天津風景依然似  
 洛濱江左于今成樂土新亭垂淚亦無人○南  
 軒張公賦詩風景自今古新亭今是非絕憐江  
 水去還有故山圍得失同千慮成虧共一機所  
 思惟謝傅不但勝淮淝又月明淮水空陳迹山  
 繞新亭有故墟暇日更須頻訪古因來為道我  
 何如○誠齋楊公詩六朝豈是乏勳賢為  
 底京師不晏然相壁置人添一笑楚囚對泣後  
 千年鍾山喚客長南望江水留人懶北旋強管  
 典亡談不盡枉教吟殺夕陽蟬○揚虞部備詩  
 滿目江山異洛陽北人懷土淚千行不如亡國

中書令歸老新亭是故鄉○晉守城公正志詩  
 龍盤虎踞阻江流割據由來起仲謀從此但誇  
 佳麗地不知西北有神州又忽枉王人六轡馳  
 新亭有酒便同持坐中不作南冠嘆江左夷吾  
 是素期○野亭馬公詩相對何庸作楚囚一時  
 凜凜氣橫秋定知決意誰能止何事空言竟亦  
 休敢謂扶持非爾力要須恢復有奇謀壺漿滿  
 路無人至空使遺民歎白頭又新亭見說在山  
 頭看見江河袞袞流何事後人輕變改不教遺  
 址且存留憐他一代稱賢相說此諸人似楚囚  
 若使有人來訪舊一番人見一番羞○又憶昔  
 諸賢扶晉室冠蓋多於此雲集坐中翻作兒女  
 悲世換人非但陳迹我來正值三月春花落鳥  
 啼春寂寂江河雖異事畧同風景不殊今視昔  
 磨滅英雄得喪多山重水複無終極安能鬱鬱  
 老江左尅復神州當戮力未論重見管夷吾祇  
 今誰為楚囚泣徒倚令人三嘆息徒倚令人淚  
 橫臆狄夷相殘春又春時乎時乎難再得○周

**師成詩** 昔日新亭今則舊百年名義只如新高  
談坐上無安石灑淚尊前有伯仁對面飛來帆  
影少傳音吹過羽書頻青天重與當時月放下  
清光照坐人○**北谷雜詠** 五馬來時集宴  
遊江山風景勿關愁合思戮力中原語對泣何  
須作楚囚○**劉後村詩** 此是晉人遊樂處當時  
風景與今同不干鐵鑊樓船力似是蒲葵塵柄  
功幾簇旌旗秋色裏百年陵闕淚痕中興亡畢  
竟緣何事專罪清談恐未公○**新亭遺迹** 已榛蕪  
景異中州莫笑新亭一段愁得似祖生真有志  
也會擊楫到中流○**新亭遺迹** 已榛蕪  
風景于今尚不殊三百餘年分王始江東自有  
管夷吾

**金山亭在舊府治今在行宮內**

**考證** 蘇魏公頌集中有金陵府舍重建金山亭

四ノスス  
建康志卷三  
六

詩地出城隅闢故臺斬茅刪竹受良材春塘夢  
草成詩後畫棟飛雲式燕開一境山形天際  
望四時風物坐中來府公經構民借樂魚鳥猶  
知喜躍迴又故時臺榭對池心空有名傳擬穴  
金鬚理茅茨脩竹茂經營軒檻綠楊深橋橫斷  
岸虹流彩花滿芳園鳥轉音盛府多歡頻命席  
每容疎外  
楚窺臨  
王荆公安石懷府園詩亦云常憶小

金山下路綠荷深處見游儵此亦府園有金山  
之證

**練光亭在保寧寺今廢**

**考證** 蘇魏公頌有遊保寧寺練光亭詩  
寺本梁

臨吳建業何人結  
虛亭勝槩壓危堞  
黃魯直嘗題云練光亭極是



登臨勝處然高寒不可久處若於亭北穿土石  
作一幽房置茶鑪設明窻瓦堆殊勝不爾師方  
丈北挾有屋兩楹其一開軒其一作虛窻與室  
余為名軒曰物外主人喜作詩也名室曰凝香  
密而清明於事稱也

**折柳亭**在賞心亭下張忠定公詠建為祖餞之所久

廢景定元年馬公光祖重建

**風亭**在折柳東葉公清臣建蘇州從事張伯玉為記

**佳麗亭**與風亭相近馬公亮建

四世身

建康志卷三

八十七

**世君亭**在華藏寺

**王荆公嘗題華藏寺此君亭詩**誰憐直節生來瘦自

許高才元祐間亦有歌詩視草儒林翁暫憑熊

老更剛元祐間亦有歌詩軒來江東政成暇日開燕席選勝共詣金僊宮

幽亭虛敞竹森聳低徊曠日清陰重靜坐愛此

君乃知雅尚人情同屏山疊石色蒼翠我疑巨

靈掣斷岷峨峯繁霜摧枯木飛葉穿疏櫳芳筵

列時果璀璨間青紅羊肋細軟蟹螯豐兵廚酒

美琥珀濃琥帶就坐約煩禮幅中相向聊從容  
晤言與心契至樂非絲桐高懷詎比晉七子徒  
以散誕相夸雄飲餘寓意對碁局萬事不足縈  
心胷人生天地間寧異浮萍相值江湖中偶然  
會合復離散東西南北隨飄風須知此會不易  
得為公更酬黃金鍾○**武昌黃履**次韻邂逅相  
遇三詩翁適我願兮江之東每乘高興即同賦

建康志卷三

六

矧值脩竹華嚴宮迫窮收棄勢相遠交我以淡  
 情何重古來金石論賢達應求本自聲氣同清  
 晨登此亭亭前羅會峰浮雲開白日金影升珠  
 櫳高標不逐四時變翠色可奪千葩紅一日無  
 此君子猷嘯詠已不濃清風颯然至淵明喜動  
 羲人容化龍況是葛陂杖待鳳幸列朝陽桐伶  
 倫裁嶰谷律呂因雌雄太和尚可格天地煩想  
 豈特疏心胷下逮漢蔡邕取椽製笛柯亭中與  
 夫皮為冠兮葉為酒皆自荆揚之貢東南之美  
 今冒霜停雪拂景雲而縈惠風吾曹對此但欲  
 適清樂不學渭川之人兮資千畝以敵萬鍾○  
 福唐王祖道君不見太白之精下人間兮昔人  
 號爾謫仙翁君不見不為蒼生起兮謝安攜妓  
 山之東玉堂主人繡衣客邀我載酒金蓮宮小  
 亭環立千竿竹參天百尺繁陰重岸巾散髮對  
 此坐一日無君誰我同夜來霜壓北枝重剩見  
 鐘雲數尺峰玉實幽香儀彩鳳日華轉影篩金  
 櫳孤幹未甘春雪折青陰不逐秋風紅長隨檜

拍老剛勁不羨桃李爭鮮濃我愛此君有直節  
 肯學蟠木求先容我愛此君歲寒志長咲霜井  
 落青桐大夫老松邀我侶三品頑石徒誇雄不  
 作湘江兒女泣蒼梧雲散愁盈胷夜深明月滿  
 亭戶此君入我懷袖中故人來兮七賢至開門  
 滿坐生清風此君此君聽我語藏器於身兮終  
 奏太廟歌黃鍾○  
 政間鳴珂曉丁東邀賓尋勝遍郊郭最愛檀欒  
 森梵宮虛簷新敞小亭峻幽徑靜掩閉門重脩  
 枝應待丹鳳集勁節只許青松同根蟠南借秦  
 淮潤影疎北露鍾山峰乃知景淡有真趣何必  
 花艷羅彫櫳放懷喜逐開口咲傳盃不覺醜顏  
 紅談圍浩浩真意得棋戰紛紛嘉興濃人坐  
 忽猶逆旅少壯易失今衰容得喪何須論塞馬  
 用捨寧復驚爨桐道遙齊物慕蒙叟澹泊無生  
 師大雄英游幸陪諸公後傾蓋夔已披懷曾芝  
 蘭亦既序蒙益切嗟願使協于中佳章每出蓮  
 城寶雅調綽有先賢風顧予酬和不量力嗟哉

寸莛攬  
巨鍾

**水亭**有二一在臺城寺卽今法寶寺一在齊南苑中

是陸機故宅乃王處士水亭也今鳳臺山南傍秦淮

是其處

豪多在門好鵝尋道士愛竹嘯名園樹色秀

荒苑池光蕩華軒北堂見明月更憶陸平原掃

拭青玉簫爲余置金樽醉後欲歸去花枝宿鳥

喧何時復來此更得洗器煩。林逋詩金井前

朝事林僧問不知綠苔欺破閣白鳥占閑池清

**木牛亭**在移忠禪院路西亭廢名存圖經不載不詳

三十九十三

建康志卷三

九

所立之始

舊志地屬江寧縣七十里處真鄉舊傳有香

木浮而上土人迎之以爲亭又號木龍亭

**五馬亭**地屬金陵鄉去城西二十五里幕府山之側

亭今廢

**考證**晉元帝與彭城王元西陽王羨南頓王宗

汝南王宏南渡之所當時識云五馬浮渡江一

馬化爲龍謂此亭

**征虜亭**在石頭塢東晉太元中創

**考證**世說注丹陽記曰太元中征虜將軍謝安

止此亭因以為名○南史宋何尚之傳遷吏部郎告休定省送別於冶渚及至郡父叔度謂曰聞汝此來傾朝相送此是送吏部郎非關何彥德也昔殷浩亦嘗作豫章送別者甚眾及廢徙東陽船泊征虜亭積日乃至親舊無復相窺者○徐鉉集送謝仲宣員外使北蕃序云征虜亭下南朝送別之場

**白下亭**驛亭也舊在城東門外舊志

**考證**李白獻從叔當塗宰陽冰詩云小子別金

建康志卷三

二十

陵來時白下亭又留別金陵諸公詩云五月金

陵西祖余白下亭又云驛亭三楊樹正當白下

門按此亭在府西○王荆公舊宅在今報寧寺

詩有門前秋水可揚舫有意西尋白下亭之句

又有東門白下亭摧壁蔓寒葩之句按此亭在

府東蓋新舊亭各在一處舊志所指特其新者

**爾**

**在新庵詩**

金鑾殿上脫靴去白下門東索酒

**野亭詩**

嘗一自青山冥漠後何人來道柳花香○

石山四面若環合江水一條如帶橫庾亮憑高臨賊騎安都間道走齊兵地形峻極真如此全勝當時却月營

**勞勞亭**在城南十五里古送別之所

**考證**吳置亭在勞勞山上今顧家寨大路東即

其所○輿地志新亭隴上有望遠亭宋元嘉中

改名臨滄觀又改名勞勞亭李白歌云金陵勞

離生道傍古情不盡東流水此日悲風愁白楊

我乘素舸同康樂朗詠清川飛夜霜昔聞牛渚

吟五章今來何謝袁家郎苦竹寒聲動秋月獨

宿空簾歸夢長又詩云天天下傷心處勞勞送客

亭春風知別苦不遣柳條青揚處可詩柳風

飛絮撲征袍望遠樓中望眼高幾許江南名利

客灰塵滿面日勞勞馬野亭詩誰把勞勞目

此亭從來於此送人行三盃別酒傾桑落一曲

離歌唱渭城此到伊邊還幾日不知何日是

歸程分携更復憑高望滿目青山萬疊橫

四月二

建康志卷三

三

**客亭**在龍灣五里臨大江迎送之所也杜工部詩

落木更高風日出寒山外江流宿霧中聖朝無

**清水亭**去府城三十里

**考證**建炎四年四月二十五日岳飛敗虜於此

**二李亭**在溧水縣尉廨舍後

**考證**李常師字公擇同兄野夫侍其父東作尉

于此嘗讀書是亭宣和七年烏江縣丞朱處攝

尉修亭作記今亭廢而記存移在縣治記云二

識其人也初尚書李公擇與兄野夫隨其親尉

溧水而讀書於尉廳之後圃後人榜其堂曰二

李蓋以識其人也處少時登是堂有故老能道其事者處不能記其詳也宣和七年承乏尉事求所謂二李堂者不復見矣有亭巋然出榛莽間旁無牕檻唯四壁立意者堂之壞為亭宇壞而為更宿之所問諸吏果然處以是感之欲新一堂以代者至而不果姑闕牕牖加丹堊榜其上而已竊以謂伐聽訟之棠不若勿伐以存其思去告朔之羊不若勿去以愛其禮一亭之廢興於兩公無加損也而遺迹在焉其可以輕廢之乎尚書公舊嘗讀書於廬山既去而藏書九千卷以遺後之學者山中至今指以為李氏山房藏書之所然則是亭也登之者挾策讀書亦足以想見兩公之風采師道德而論世尚友也若處者何足以識之是年二月朔從事郎和州烏江縣丞權縣尉朱處謹記

**甘露亭**

在上元縣北鍾山鄉去城五里

四〇七七

建康志卷五

三

**考證**

陳太建七年秋閏九月甘露三降樂遊苑

詔於苑內覆舟山上立甘露亭○又按輿地志宋元嘉中移晉北郊壇出外以其地為北苑遂更興造樓觀於覆舟山上大設亭館侯景之亂悉焚毀至陳天嘉一年更加修葺於山上立甘露亭陳亡並廢

**朝陽亭**

在通判東廳張維建

**考證**

于湖張公孝祥留題云隆興甲申八月當

涂闕守檄建康府通判事張君仲欽

維

攝焉十

有九日安國置酒餞別且言曰所領州饑民十萬死生之命縣於仲欽之手仲欽勉之哉安集流亡左餐右饗以無負 聖天子哀矜之意

仲欽勉之哉梁温其鄭光祖翁子功同會○張

維書留守舍人聞維築亭為題其榜曰朝陽既

去而亭成復為賦詩江亭聊此駐脩程南瞻御

路臨雙闕東望仙家接五城日上白門兵氣靜

春歸淮浦早潮平遙憐莫府文書少時下滄浪

目濯纓○維次韻日邊清切以文鳴立對朝陽

欲問程筆落生春變寒谷詩來將喜破愁城簷

前水到乘槎使天際山橫與檻平淮

擬公歸道過此小留觴詠集簪纓

羅江亭

四力廿九

建康志卷三

三五

**考**古今詩話云李煜作羅江亭四面栽紅梅

作艷曲歌之韓熙載和云桃李不須誇爛漫已

輸了春風一半時淮南已歸國

**望湖亭**在雞籠山上或云南唐立今遺址見存

**不受暑亭**在今清涼寺後景定二年馬公光祖重建

**考**清涼廣惠禪寺南唐為避暑宮有亭名不

**受暑**馬野亭詩驅車曾向暑中來望見塵襟已

涓川沮洳何如此佛國清涼亦快哉

久坐不禁清霧濕却須酒力喚春回

郡圃十亭並見府治後

青溪諸亭東自百花洲而入臨水小亭曰放船入門  
有四望亭曰天開圖畫環以四亭曰玲瓏池曰玻璃  
頃曰金碧堆曰錦繡段其東有橋曰鏡中由此而東  
爲青溪莊與清如堂相望南自萬柳堤而入爲小亭  
三曰■曰■曰■橋之南舊萬柳亭改曰溪  
光山色白橋而北亭臨水曰撐綠其逕前曰添竹後  
曰香遠尚友堂之西曰香世界先賢祠之東曰花神  
仙清如堂之南淶波橋之西曰衆芳曰愛青其東曰  
割青青溪閣之南清風關之北有橋曰望花隨柳其  
中曰心樂其前曰一川煙月惟割青爲舊餘皆馬公  
光祖所作也



風亭在折柳東葉公清臣建蘇州從事張伯玉爲記  
咸淳乙丑馬公光祖有指其故基以告者乃疊石爲  
岸創堂三間前後軒如之厨舍備屋挾翼其旁繚以  
花竹亦艤舟勝處

四城門接官亭舊有亭卑陋弗稱咸淳改元之春馬  
公光祖撤而大之名其東曰迎暉西曰致爽南曰來  
薰北曰拱極丹牖爛然過者矚目各有文以記始末  
迎暉亭門拱行都直趨南徐岐八淮淞郡登茅  
鍾二名山咸此乎出舊名建陽踰數步卽白下

有白下亭負城立規編制陋無以容車馬今並  
門度地在外城之中爲亭三間深各二丈二赤  
闊倍之前爲泊水挾屋七間翼其左關吏舍五  
間麗其右簷楹敞奐入門者有觀焉

**致爽亭**

出門數里爲龍灣長江駕順而東蜀漢

荆廣所畢湊古石頭城在焉舊宜有驛亭扣父  
老無知者蓋廢久矣咸淳元年三月一日並門  
鼎創三間深各二丈闊半之前爲泊水三間視  
亭之深減六尺而闊與之稱左爲關吏舍右爲

二神祠

**來薰亭**門直溧水溧陽西指當塗上荆蜀古長干道在焉前是有兩亭歲久仆其一今復鼎剏與所存亭儷自南來者咸適所憇

**觀極目亭**門對幕府山踰山絕江瑯琊諸峯隱約在目極目則中原河氣挹也舊無驛亭今剏置三間深各二丈闊倍之敞爲前楹邃爲後序安神有祠休吏宿兵有舍共爲屋十五間

**南軒**舊傳在保寧寺方丈今皆指天禧寺方丈旁小室是南軒張宣公讀書處

**考證**祝穆編方輿勝覽謂張魏公開督府時其子讀書於保寧寺方丈小室號南軒○西山真公德秀建南軒先生祠堂於天禧寺方丈後蓋以此爲張宣公讀書南軒之舊址王潛齋塾又設西山像侑食祠中作亭其旁扁曰仰宣

萬松盤嶺勢回環才抱清溪浸碧山莫道南軒專一壑古今天下共曾顏

**南軒**舊在江東撫幹廨舍

三〇九

建康志卷五

三七

**諸**丞相益國周文忠公記云唐以節度使鎮

諸道其屬皆得辟置雙旌出都門不待設禮案

沈利印固已讓書辭具馬幣而走處士之廬幕

下多賢豪易耳本朝謀帥間許辟士今皆命諸

朝幸而賢也信可樂也否則相忘於江湖者有

矣尚何樂之云故君子以爲難紹興二十六年

春內出玉麟符以吏部尚書鄱陽侯張公居守

金陵且安撫大江之東一年政平二年教行三

年而謠頌興雲溪沈君世德實奉詔從事於莫

府力學而多聞和其外而方其中公前席焉他日謂世德曰負水築室者非子之癖耶是宜闢軒盡臨觀之美於是披簷以爲宇梁空以爲閣俯秦淮之支流面蒼龍之華闕右帶天津東望公堂質而不陋潔而不奢啓扉而夏涼塞向而冬溫春風之朝秋月之夕不必登高騫遠而臨觀之美盡矣旣落成或取韓退之徐泗濠掌書記廳石記之語而榜曰川泳所以志賓主皆賢而後可以樂此也暇日世德與客飲於斯詠於

斯已而歎曰美哉是軒也公之賜而我則居得無愧乎客曰不然昔羊叔子鎮襄漢造峴山者數矣必與從事鄒湛語故此山名著編簡武昌南樓殷浩之徒朝夕登焉向非庾元規一有不淺之興則斯樓殆且泯泯也賓主相資何世無之今公歛經綸之才惠此一道回視羊庾蓋鴈行也而世德雋才懿行顧湛浩輩亦豈溟滓然第之哉吾知今日之川泳後世之南樓峴首也而何愧雖然二府尚有虛席者公且歸矣世德

亦將為東閣奇士矣後之人開軒而望臨水而歌儵魚出游從容或未知此樂也故吾因名軒之意而道古今難易以告之庶幾循其本乎二十八年十二月朔東里周必大記并書儒林郎充江南東路安撫司幹辦公事沈作式立

存愛軒在知錄廳

考證周師成有記顏伯奇父為錄事參軍於建

之後以為便坐摘取明道子程子之語言榜之日存愛而謂予記之于伯奇父同官而交又厚乃不辭而言曰一軒方丈而贏名之侈矣焉用記然其名軒之意與義有足記者君子之欲

五日三〇 建康志卷三

三

任非謂其位之足以榮其身也亦曰有位則可以濟乎人而已耳位有高卑濟有廣狹濟可必也濟之廣狹吾安能必之哉蓋有愛物之心斯有愛物之事不必高位而後可也苟存是心則隨其力之所及而民受其賜使仕者人人皆存是心則天下之大將無一夫不受其賜矣惟其不然故民之得其心者不能什一而免夫職者什九也夫愛物之心一存一否之間而效之相絕如此則愛其可暫忘耶夫愛者仁之發也善之端也有人焉體仁而盡此善則其仕也降此而物皆天理之流行愛自存也非存之也降此而心能存於愛物則其仕也優而庶乎仁之功矣雖然特未易也利害輻輳志氣交馳愛物之念其存者幾苟不兢兢於此則始終舛戾何可勝算軒之名且記者用此今夫一命之士多矣豈皆泊然無愛於心愛有公私勢無兩大彼私其愛者知有已而已而所謂愛也伯奇父既異故彼之私愛云者非吾所謂愛也

彼矣因軒之名味名之義於愛物之心既存之  
又存之一念一慮存之此伯奇所用力而欲然  
不自足者他日流風所感後來者坐于此而惕  
然有省怡然有得則伯奇父之美不孤矣不然  
則此軒乃胚胎厲民之所也其何愛之存伯奇  
父姑蘇人名椅伯奇父字也遙師考亭於學禁  
方張時中其訓甚於親炙之者與人簡易而守  
義不可奪如蘭相如之璧不雕飾揣摩以樓大  
官之知其所長也嘉定七年正月書  
澣日雉山周師成記汴人趙師夏書

**龍軒**

在城內西北鐵塔寺王荆公嘗讀書處

**偃秀軒**

在蔣山道中松間

**李忠定公綱詩**青蔥秀邑

頂蹙風雲疑偃蓋枝繆兩露若蟠龍四時鬱鬱  
寧彫葉千載亭亭不改容却笑宗人主岱嶽佞  
秦先得大夫封

三九三

建康志卷三

三

大使馬公光祖重修南軒祠在南門外長干寺之東  
依山爲祠由寺而入蓋宣公舊讀書所也杜公  
杲爲尹時嘗撥田百畝屬有學奉祠祀且設煎  
漕使西山真文忠公像于旁春秋仲丁校官率  
諸生行舍菜禮亭其上曰仰宣示不忘也然歲  
僅兩至平時足跡所不到棟橈簷頽求像設於  
煙煤蛛網之中甚非所以崇教化而勵風俗也  
咸淳丁卯夏五月鼎新修繕視昔有加大使又  
念儒先鳴道之地不可與緇流之室相混殺乃  
剪荆榛闢正路作高門俾學士大夫之出入是  
塗者知所宗嚮仍屬兩校官朔望一謁祠下置  
閤人以司啓閉再撥田四十畝有奇俾葺治無  
壞而不負仰宣之意云

臺觀

鳳凰臺

在保寧寺後寶祐元年倪總領屋重建

考證

宋元嘉十六年秣陵王顗見三異鳥數集

于山狀如孔雀文彩五色音聲諧和衆鳥附翼

而羣集時謂之鳳乃置鳳凰里起臺於山因以

為名又案宮苑記鳳凰樓在鳳臺山上宋元嘉

中築有鳳凰集以為名李白宋齊丘皆有詩

雲俱開昔時有鳳凰鳳凰為誰來鳳凰去已久

正當今日回明君越義軒天老坐三台豪士無

所用彈琴醉金罍東風吹山花安可不盡杯六

五方之二

建康志卷三

三

帝沒幽草深宮冥綠苔置酒勿復道歌鍾但相

催又詩鳳凰臺上鳳凰遊鳳去臺空江自流吳

時花草埋幽徑晉國衣冠成古丘三山半落青

天外二水中分白鷺洲總為浮雲能蔽日長安

不見使人愁。宋齊丘詩嗟峨壓洪泉峯峩撐

碧落宜哉秦始皇不驅炙不鑿上有布政臺八

顧皆城郭山蹙龍虎健水黑螭蜃作白虹欲吞

人赤驥相燂燂畫棟泥金碧石路盤繞墻倒挂

哭月猿危立思天鶴鑿池養蛟龍栽桐棲鸞鷲

梁間鸞教鷓石罅蛇懸殼養花如養賢去草如

去惡日晚嚴城鼓風來蕭寺鐸掃地驅塵埃剪

蒿除鳥雀金桃帶葉摘綠李和衣嚼貞竹無盛

衰媚柳先搖落塵飛景陽井草合臨春閣芙蓉

如佳人迴首似調謔當軒有直道無人肯駐脚

夜半鼠勃宰天陰鬼敲椽松孤不易立石醜難

安著自憐啄木鳥去蠹終不錯晚風吹梧桐樹

頭鳴曝曝峩峩江令石青苔何淡薄不話興亡

事舉首思眇邈吁哉未到此福劣同尺蠖籠鶴



羨鳧毛猛虎愛蝸角一日賢太守與我觀囊籥  
往往獨自語天帝相唯諾風雲偶不來寰宇銷  
一畧我欲烹長鯨四海為鼎鑊我欲取大建炎  
鵬天地為矰繫安得生羽翰雄飛上寥廓  
中僞張太師嘗賦詩建炎中金人犯建康以僞  
臺賦詩云六代興亡地千年一瞬間無情是江  
水終日對鍾山烽火連吳越旌旗耀海蠻鳳兮  
後虜退人多傳之淳熙中留守范公成大重

建更榜曰鳳凰臺開慶元年倪總領屋重建馬

大使光祖作記尚書戶部員外郎倪公以總領

郡其治所也治以簡靜賦平人和故得休其暇  
日考卜惟勝作鳳皇臺舊在郡西南隅保寧  
寺側余嘗剝薜尋碑訪古訂實而老禪宿納無  
能道者雖圖經載宋元嘉中因神爵至而臺得

六分十斤

建康志卷三

三

名然寺之淳熙壁記迺謂晉升平已有臺元嘉  
時王顓復面臺締樓我朝祥符間又嘗著亭  
於斯斯樓斯亭咸曰鳳字星移境換鳳去臺空  
於是燕沒於屯煙戍火之場矣今臺蓋唐布政  
臺也後世因以存古焉然而風隳雨毀漫漶不  
鮮棟撓級夷荒穢弗治騷人勝士顧瞻徊徨率  
不得以極其游覽之娛盡登臨之美後觀得無  
廢乎公迺凌氛埃登亢爽腐折斯革破缺用完  
碧欄螭飛萬瓦鱗次然後幽想逸發神游飄蕭  
烟雲徐來風雨在下遙青遠白刻露清高沙鷺  
水鳧油浣飛泳龍署鶴膝俯伏後先而夕陽衰  
草之悲夜月寒沙之恨亦紛紛落落研席間矣公  
於是舉酒觴客撫飛軒而浩歌白也之詩聲連  
林木吳時花艸亦不覺為之出色也客有屬而  
和者曰臺峩峩兮山之陽招桂樛兮芳菲彌章  
日五色兮雲飛揚嘻鳳皇兮胡不來翔臺巍巍  
兮山之扉膏吾車兮今天風歛衣鷺在笳兮烏潛  
飛噫鳳皇兮胡不來儀公聞之曰梧桐生矣子

建康志卷三十一

三

姑醉公錢塘人名屋宇泰定開慶元年四月資  
 政殿學士通奉大夫沿江制置大使知建康府  
 事兼管內勸農營田使江南東路安撫使馬步  
 軍都總管行宮留守節制和州無為軍安慶  
 府三郡屯田使金華郡開國侯食邑一千戶食  
 實封貳伯戶馬光祖記并書朝奉郎守軍器監  
 總領淮西江東軍馬錢糧專一報發御前軍  
 馬文字兼提領措置屯田兼江南東路轉運判  
 官兼提領江淮茶鹽屯田兼江南東路轉運判  
 所借紫印應雷篆蓋登臨之勝題詠為多昭會文  
 蕭聲無復到層臺畫棟空餘燕雀來我是鳳凰  
 池上客等閑汀鷺莫相猜○李丞相臺上  
 西風急來遊悟昨非依然龍虎踞不見鳳凰飛  
 樹密遮殘靄江寒浸落暉中原在何處目斷鴈  
 來稀○給事劉築詩鳳臺何亭亭迥與雨華對  
 憑高一登眺秋事渺無際鷺洲賞心前牛首秦  
 淮外萬疊雲稼橫百纜風檣會瞻言簿書隙載  
 酒邀華旆翰林詩百篇生公法三昧皮膚雖不

似妙趣總相懷古睇平蕪可但高李輩憶昔  
 耿與韓造滕陳大計高光課厥成一語不相戾  
 江淮今清晏河路尚腥穢蛇豕相噬吞天已厭  
 戎裔箕歛民弗堪惡稔將自斃憤激聞雞舞慷  
 慨中流誓尺捶仗皇靈喋血答其背燕然彼有  
 石深刻詔來世兵強在食足萬竈餘虞膚叶奏  
 鄴侯功接武文石陸○周邦彥詩危臺飄  
 盡碧梧花勝地淒涼屬梵家鳳入紫雲招不得  
 木魚堂殿下飢鴉○蘇軾詩竹影桐陰滿舊山  
 鳳凰多載不飛還登臺客有吹簫者爭得一鳴  
 墮世間○任斯庵詩只為羊車戀靚粧倉皇合  
 殿燭無光宮中不解嫁鸚鵡臺上安能來鳳凰  
 ○黃待可詩江表裏拱神州底事干戈不  
 肯休試上鳳凰臺上望定山盡處是瓜洲○楊  
 回白鷺北頭江草合烏衣西面杏花開龍蟠虎  
 踞山川在古往今來鼓角哀只有謫仙留句處  
 春風掌管拂蛛煤戴石之詩登臨舒老

建康志卷三

三五

眼弔古得妻涼故國自龍虎高臺無鳳凰浮雲  
 多改變喬水見興亡往事渾休問鍾山又夕陽  
 ○**馬** 來應到緱山還且住定游阿閣不能回江山不  
 改當時舊賓客何妨盡日陪待作簫聲勾喚處  
 有時飛舞下雲堆○**劉改之詩** 公子飄然俊有  
 才此臺翻覺在塵埃江淮浩渺洲渚沒鳳鳥寂  
 寥鴻鴈來時事不言惟拄笏書生無用且銜盃  
 生平自厭胷中窄萬里霜天一目開○**羅北谷**  
**必元** 振衣快上鳳臺游極目中原淚欲流慨歎  
 興亡思太白永言眇邈憶齊丘烏衣已往人干  
 古白鷺依然月一洲君子坐朝今在治重恢關  
 洛不須愁○**周師成詩** 元嘉王子宅李白  
 重登臨鳴鳳元非昔蟠龍直到今妻涼微子事  
 寂寞茂宏心望斷長安日懸知屬意深○退庵  
**吳公淵詩** 暫因休暇得遨游感慨樽前歲月流  
 長向此時憂微塞不知何日樂林丘鳳凰寂寂  
 空留寺鴻鴈磬磬尚滿洲疇昔謫僊愁絕處我

來登眺更多愁又六朝舊跡作新游王謝千年  
 風尚流但使時能開晉宋只緣道不本軻丘昏  
 昏赤縣神州地渺渺白蘋紅蓼洲誰道天分南  
 北限人分南北至今愁○**呂午詩** 古臺會  
 說少年遊彈指驚嗟歲月流山似三神浮碧海  
 城如一虎卧崇丘鳳凰去後遺陳迹白鷺來時  
 認舊洲但得風寒無罅隙江河舉目不須愁○  
**居** 紅日晚梧拂翠雲生瑣瑣六朝夢悠悠千古情  
 寒潮如有恨時打石頭城○**鳳山劉汝春詩** 高  
 臺寥寞晚雲深故國山河萬里心若使當年真  
 鳳凰見不教春燕亦巢林○**總領倪公屋詩** 鳳凰  
 鳳凰幾千載鳳凰已去臺空在應多燕雀語畫  
 梁瞥見蛟龍起滄海二十年曾徠遊野田白  
 鷺涵清秋今夕何夕領賓客飯孟百萬思貔貅  
 六朝故國金陵道柳外閑愁仗誰掃掀髯一策  
 問西風未必江山知我老○**洞春徐翁詩** 穉  
 盡臺前賸種桐萬柯搖碧護春風縱無丹鳳重

來此且障長安落日中又臺前煙草接青徐臺  
 後風花滿殿廡千里莫濤空寂寞醉人春色正  
 西湖○**金淵吳景伯賦沁園春詞**再上高臺訪  
 謫仙兮仙何所之但石城西踞潮平白鷺浮圖  
 南峙雲淡烏衣鳳鳥不來長安何處惟有碧梧  
 三數枝興亡事對江山休說誰是誰非庭花飄  
 盡臙脂算結綺繁華能幾時問行人重向新亭  
 揮淚何人重到別墅圍碁笑拍欄干功名未了  
 寧肯綠蓑尋釣磯深深飲任玉山醉倒明月扶  
 歸○**郭功父詩**高臺不見鳳凰遊浩浩長江入  
 海流舞罷青娥同去國戰殘白骨尚盈丘風搖  
 落日催行棹潮擁新沙換故洲結綺臨春無處  
 覓年年芳草向人愁○**王清補詩**江山還似六  
 朝時老盡梧桐鳳不知保大空存前殿佛元嘉  
 已沒舊廊碑幾年何德之衰也曷日覽輝而下  
 之不見長安豪傑恨諸公忍讀謫仙詩○**鶴山**  
**韓澆銘沙詞**滿酒梧桐幾度秋鳳凰飛去舊  
 山幽風景不殊人物換恨悠悠衰草遠從煙際  
 合夕陽空趁水西流恰好凭樓便回首怕生愁  
 ○**南翁紹興詩**不見鳳凰在似會麋鹿遊六朝  
 春夢裏千古大江流地屬閑僧管天  
 知遠客愁拊欄空感慨白鷺起滄洲

建康志卷三

**越臺**舊基在城南江寧尉廨後

**考證**越范蠡築城長千里此即古越城內所築

臺也詳見越城及諸辨○齊崔慧景寇建業蕭  
 懿入援頓越城舉火臺上鼓噪相慶

**周處臺**亦名**子隱臺**今城東南有故基在鹿苑寺後

**考證**晉書周處字子隱仕吳為東觀左丞有臺  
 於此○國朝嘉祐中太守梅公摯嘗為記府雒東南

有故臺基曰周處圖志亡之都人稱之登而四望江山表裏與陳跡槩見豁如也按西晉史處字子隱義興陽羨人弱冠前好馳騁不修細行州曲患之自知為眾所惡慨然有改勵之志里人以三害切諷於是射虎斬蛟往見陸雲具以誠告雲曰古人學道貴朝聞夕死君前途尚可第患志之不立何憂名之不彰遂退而嚮學有文言必信行必謹如是暮年州府交辟仕吳為東觀左丞吳平入洛累遷郡太守率有善狀拜御史中丞凡所糾劾不避貴權卒樹功名沒世遠耀噫天地至大根一氣陶萬化未始無過陰陽寒暑小有繆盪則從而改之卒歸大順而况於人乎古聖賢本天地之性以修其性亦未嘗諱過後之人不獨諱之而已抑又從而文之自底悔吝良可嗟惜維子隱少而不逞長乃自悟一旦奮然去惡即善遂為名世忠賢可不重乎則中人所稟因物染遷為時詿誤德有小眚言有小疵未甚子隱之害于而鄉又何憚改為哉

九日臺

今在蔣廟西南俗呼為松陵岡去城十五里

考證

齊武帝永明五年四月立商飈館於孫陵

岡世呼為九日臺○十道四蕃志云武帝九月

九日宴羣臣孫陵岡即吳大帝蔣陵○齊書云

高祖以九月九日登商飈館在孫陵岡南縣北

三里一百步○覽古詩注云縣北三里九月九日  
日以宴羣臣講武習射應金風之節○建康宮  
闕簿云商飈館在縣北十三里籬門亭後堆上  
沈約郊居賦云望商飈而永歎每樂愷於斯觀

**雨花臺**在城南三里據岡阜最高處俯瞰城闔

**考證**舊傳梁武帝時有雲光法師講經於此感

天雨賜花故名郭祥正詩云雲公說法時諸天賜名花○聖荆公詩盤互長干

有絕陁并包佳麗入江亭新霜浦漱綿綿靜薄晚林巒往往青南上欲窮牛渚怪北尋難忘草堂靈篋輿却走垂楊陌已載寒雲一兩星○揚無爲詩空書來震旦康樂造淵微貝葉深山譯

建康志卷三  
天

曼花半夜飛香清雖透筆藥散不山謙之丹陽

記云江南登覽之地三日甘露曰雨華曰凌歊

○建炎之後臺址僅存後人乃請均慶院舊額

卽此基建寺又壞于火隆興元年留守陳公之

茂重築此臺朔一堂名總秀而徙均慶院於臺

之下紹興中侍郎劉公岑新修高座永寧寺記云今號雨華臺則故侯盧給事名襄字贊

元者所命也○蔡宗固益侯賦云上瑪瑙之絕徑雨花翼其飛薨石子崗上石似瑪瑙亦名爲

瑪瑙崗○周益公雪中約胡推官登雨花臺詩歲晚相逢古帝鄉長松百尺傲冰霜青鞋踏遍

江南岸更賦名花似漫郎又傳道詩仙折簡來被寒雪屋爲君開要將好句誇張籍故放歌譚

吏部才又天女來參彼上人逆知君動雨花心  
故令六出繽紛下免使荒臺更重臨○**馬野亭**

**詩**居士室中天女現生公臺上雨華懸只因妙  
語傾人聽非有真花墮我前却似文章稱錦麗

亦如咳唾說珠圓不知誰向  
癡人道令望虛空眼欲穿  
**淳祐中吳公淵重**

**修寶祐初王公埜又加修飾自書其扁**  
**茗溪張**

譚仁義只譚空一着參差在箇中臺上續紛花  
正雨城邊一陣已西風君王自有君王業何事

區區翻貝葉雨花名臺非識奇要使後人知覆  
轍○**羅北谷必元**蕭帝傾心向佛家謾言天女

墜天花蘆僧一葉橫江去回首梁園日脚斜○  
**後村劉克莊詩**昔日講師何處在高臺猶以兩

華名有時寶向泥尋得一片山無草敢生落日  
磬殘鄰寺閉晴天牛上廢陵耕登臨不用深懷

古君看鍾山幾箇爭○**退庵吳公淵**雨花臺再  
用第履齋烏衣圍滿江紅韻秋後鍾山蒼翠色

スロウ

建康志卷三

三

可供餐食登臨處怨桃舊曲催梅新笛江近蘋  
風隨汛落峯高松露和雲滴歎頭童齒豁已成

翁猶為客老懷抱非疇昔歡意思須尋覓人間  
世假饒百歲苦無多日已沒風雲豪志氣祇思

煙水閑踪蹟問何年同老轉溪濱漁釣擲○**履**  
**齋吳公**再用前韻瑪瑙崗頭右醜酒左持螯

食懷舊處磨東冶劔弄青溪笛望裏尚嫌山是  
障醉中要捲江無滴這一堆心事總成灰蒼波

客歎俯仰成今昔愁易攪歡難覓正平燕遠樹  
落霞殘日自笑頻招猿鶴怨相期蚤混漁樵跡

把是非得失與榮枯虛空擲○**南徐張桀詩**莫  
說南朝勝槩繁祇今近郭已江村臺荒浪紀曼

花墜事往空餘古意存甌缺正緣輕納景鼎分  
誰謂不如孫滔滔千載興亡恨盡付凭欄對月

樽○**菊齋劉端之詩**六朝宮苑帝王州何事興  
衰若置郵可是戰爭收拾後却將歌舞破除休

千門靜鎖梧桐雨萬堞深籠薜荔秋試陟雨華  
臺上望夕陽煙水替人愁○**盧壽老詩**轎車行

曉快新遊更上雨華臺上頭看不厭人渾是景  
清無極處奈何秋地完龍虎堂堂立江泊鯨鯢  
袞袞流一帶黃山是淮土依然望弗見神州○  
**天台王准**用二吳韻踏遍江南子豈為解衣推  
食謾贏得煙波短棹月樓長笛看劍功名心已  
死積薪涕淚今誰滴想中原一望一傷情英雄  
客形勢地還如昔談笑裏封侯覓豈有於前代  
無於今日龍豹莫藏韜畧手犬羊快掃腥膻跡  
看諸公事業卜臬盧何勞擲○**王雲煥**題沁園  
春詞四十君王三百載間興亡一家嘆幕府峯  
高生涯社燕烟脂井暗富貴飛花山骨呈羞江  
聲帶恨磨盡英雄歲月賒君知否是枋頭灞上  
著數全差倚空長劍吁嗟奈爭戰年來似亂麻  
但蒼陵古冢白楊啼鳩荒園廢沼青草鳴蛙旗  
蓋東南風濤天塹○北興王隙地**咸淳**元年夏  
昔休凝竚望長安路杳夕照愁鷗

五十八

建康志卷三

罕

亦不可以不治乃併撤而新之高廣視舊加倍

繚以脩垣旁建掖屋又累石數百級以便登陟

作門通衢以嚴啓閉江山觀覽之勝為金陵第

一矣臺記云雨華臺勝甲江南事詳郡乘余公

餘一往則臺屹其崇萬象環集山川城郭

江淮吞吐如拱如赴而顧瞻吾臺藩拔級夷反

若欲然有不足當者乃度材更繕不雨月告成

既成率賓佐落之余撫欄作而言曰嗟乎地以

山川勝山川以人勝而人之所以勝者何哉今  
吾與二三子登斯臺也仰而觀○行闕奐如趙  
元鎮張德遠之所建請猶凜有生氣俯而觀長  
江渺如韓蘄國虞雍公戰勝之跡尚可一二數  
也予以是而觀之其亦有槩於心否歟向皆如  
晉元爽輩把酒清譚脫落世事則雖茂宏新亭  
士行石城遺迹之丘墟久矣而况所謂雨華臺



者然則吾與若從容無事相與遊於此也而可不知其所自耶知其自則當監其所為矣吾老矣何能為惟聞誦北出移說東廬山故事則躍然有所契金盆石室諒不終寒我盟然前所謂元鎮諸賢之事其卒付之登臨一槩而已乎詩曰高山仰止景行行止又曰以似以續續古之人吾敢以是為二三子勉二三子有不勉者耶乃相與離席而謝曰敢不勉因筆以為之記

撰 **汪立信** 篆蓋

**蔡伯喈讀書臺** 在溧陽縣太虛觀東北 舊志

カカウ

建康志卷三

望

**考證** 吳顧雍傳云邕以內寵惡之慮卒不免乃

亡命江海遠跡吳會積十二年在吳○抱朴子云蔡伯喈到江東得論衡中國諸儒覺其論更進嫌得異書求其帳中果得之則伯喈讀書於此理或有是

**郭文舉書臺** 今天慶觀太一殿卽此臺基也

**考證** 金陵故事郭文舉王導築臺於冶城以處之文舉嘗手探虎鯁導問之文舉曰情由想生不想卽無人無殺獸之心獸無害人之意

**梁昭明書臺**在蔣山定林寺後山北高峯上

**考證**梁昭明太子嘗著書於此今遺基尚存

**董永讀書堂**在溧陽縣西四十里林木茂翳

**考證**永嘗自鬻以養其親事見孝子傳

**望耕臺**在今白上村

**考證**宋文帝嘗登此臺以觀公卿親推之禮宮

苑記云在籍田壇東

**日觀臺**一名司天臺在臺城內

**考證**宮苑記臺城直鸞飾門西有日觀臺○祥

三月十八

建康志卷三

望

符圖經云宋司天臺也

**烽火臺**在城西石頭城

**考證**覽古詩注石頭城山最高處吳時舉烽火

於此自建康至西陵五千七百里有警急半日

而達

**楊備詩**云一帶東流當復闕築臺相望水

○**馬**此到西陵路五千烽臺列置若星  
連欲知萬騎還千騎只看三烟與兩煙不用赤  
囊來塞下何須羽檄報軍前如何  
向日緣褒姒無事蓬蓬火又燃

**景陽臺**見景陽樓下

**拜郊臺**見郊廟下

**獨足臺**在古宮城今不詳其所

**考證**覽古詩注云陳將亡有一鳥獨足上宮城

臺上以背畫地書云獨足上高臺茂草化為灰

欲知我家處朱門傍水開及國亂遷洛陽賜第

於洛水傍馬野亭詩無端獨足上高臺以味縱

橫作字來茂草為灰猶可解朱門傍

水直難猜宮城後向煙中盡府第還當洛口開

**通天臺有二**

**考證**宋書孝武大明七年鍾山通天臺新成飛

建康志卷三

聖

倒散落山澗○建康宮闕簿云通天臺在縣北

一百步舊臺城內

**元武觀**在元武湖上

**考證**南史蔡景歷拜度支尚書舊式拜官在日午後景歷拜日適逢輿駕幸元武觀在位皆侍宴帝恐景歷不預特令早拜其見重如此又曰元武館宋書文帝本紀云帝臨元武館閱武即此觀也

**通天觀**舊在華林園內宋元嘉中與景陽樓同造舊志

**考證**金陵故事晉孝武帝講孝經於通天觀僕

射謝安侍座尚書陸納侍講黃門侍郎謝石吏

三十一  
建康志卷三十一

部侍郎袁宏執經丹楊尹王緄讀句論者榮之則此觀晉所有也非泐於宋舊志殆未攷耳

**臨滄觀**今城南顧家寨大路東即其所

**考證**輿地志丹陽郡秣陵新亭隴上有望遠樓

又名勞勞亭宋改為臨滄觀行人送別之所李白勞勞亭詩序在縣南十五里古送別之所一

名臨滄觀詩云金陵勞勞送客堂蔓草離離生道傍留別金陵崔四侍御詩云初發臨滄觀醉栖征虜亭南史宋元徽元年桂陽王休範舉兵

白服乘輿自登城南臨滄觀

**齊雲觀**在古臺城內陳建後廢

**考證**陳後主令採木湘州擬造正寢至牛渚磯盡沒既而漁人見棧於海上復起齊雲觀國人

歌曰齊雲觀寇來無際畔楊虞部詩上界笙歌下界聞縷金羅袖縷

金裙倚欄紅粉如花面不見巫山空暮雲○

閣連延須在下層城突兀亦居低俯看落雨自天半平視流星從屋西好是嬪嬙遊翠輦却如

僊子駕青霓

**層城觀**亦名穿針樓舊在華林園景雲樓東宋元嘉

建康志卷三

中造後廢

**考證**輿地志云齊武帝七月七日使宮人集層

城觀穿針乞巧因號穿針樓楊虞部詩秋星如

添乞巧爐萬縷千針同一意眼穿腸斷得知無

○馬野亭詩人世佳期惟七夕星躔至巧是天

孫直從樓上將身乞所欠雲間着手捫聞得鵲聲云報喜看來蛛網似傳言工夫只是憑心手此外冥茫不足論

園苑

**古華林園**在臺城內本吳舊宮苑也世說晉簡文帝

在華林園謂左右曰會心處不必在遠儵然林水便

有濠濮間趣覺鳥獸禽魚自來相親建康宮闕簿云

宋元嘉中築蔬圃二十二年更脩廣之築天泉池造景

陽樓大壯觀花光殿設射棚又立鳳光殿醴泉堂宋書

何尚之傳曰時又造華林園並盛暑役人尚之

諫宜加休息上不許曰小人常自暴背此不足

為勞○龔穎運歷圖曰齊高帝建元二年幸華

林園褚彥回彈琵琶王僧虔彈琴沈文季子夜

吟王儉誦封禪書帝曰此盛德事吾何以堪之

○武帝子巴東王子響既誅久之上游華林園

五百廿八

建康志卷三

巽

見一猿跳擲悲鳴問左右曰猿子前日墜崖死

上思子響嗚咽流涕○**梁裴子野**華林園賦曰

正殿則光華宏敞重臺則景陽秀出○**蔡宗**

金陵賦云其後則華林之園別宮在焉僊華醴

泉連玉芳香靈曜景陽日觀風光玉壽披香清

暑茅堂樓有穿針鍾有趣粧一柱層城之臺工

巧妙而莫窺朝日明月之樓曲九轉而欲迷築

以壯武之山鑿以天淵之池中竝拔禕之堂遠

以流盃之規誇青樓與紫閣恨不純乎瑠璃侈  
神僊之彩雕香雜麝而塗之起臨春與結綺竦  
神僊之巍巍斲戶牖以沉檀飾珠翠為薄帷並  
是華林園殿閣臺榭等名○**會稽詩**羽葆來臨  
鼓吹停華林暢飲倒長瓶萬年天子曹騰眼錯  
認長星作酒星○**馬野亭詩**當時園上想歡娛  
不見當時見畫圖縹緲神僊來絳闕分明人世  
有蓬壺庭花唱斷風生砌蓮蕩歸來月滿湖萬  
點華燈星似綴明  
朝簪珥得青蕪

**古樂遊苑**案寰宇記其地在覆舟山南輿地志云在

晉為藥園義熙中盧循反劉裕築藥園壘以拒循即

此處也宋元嘉中以其地為北苑更造樓觀於覆舟

山後改曰樂遊苑十一年三月禊飲於樂遊苑會者

賦詩顏延之為序孝武大明中造正陽林光殿於內

侯景之亂焚毀略盡范蔚宗應詔詩崇盛歸朝闕虛

堯心軒駕時未肅文園降照臨流雲起行蓋晨

風引鑿音原薄信平蔚臺澗備會深蘭池清夏

氣脩帳含秋陰迺潛攀蒙密隨山上嶇嶽睇目

有極覽遊情無近尋聞道雖已積年力互頽侵

探已謝丹黻感事懷長林○侍宴應詔

詩詰旦聞闔開馳道聞鳳吹輕萋承玉輦細草

建康志卷三十一

聖

籍龍騎風遲山尚響雨息雲猶積巢空初鳥飛

若亂新魚戲寔惟北門重匪親孰為寄參差別

念舉肅穆恩波被小臣信多幸投生豈酬義○

**沈休文**應詔詩丹浦非樂戰負重切君臨我皇

秉至德忘已用堯心愍茲區宇內魚鳥失飛沈

推轂二嶠岨揚旆九河陰超乘盡三屬選士皆

百金戎車出細柳餞席遵上林命師誅後服綬

律緩前禽函轅方解帶堯武稍披襟伐罪芒山

曲弔民伊水溥將陪告成禮待此未抽簪

**古上林苑**案宮苑記云雞籠山東歸善寺後又實錄

宋大明三年初築上林苑于元武湖北宮苑記云孝

武立名西苑梁改名上林今其地有古池俗呼為飲

馬塘亦曰飲馬池其西又有望宮臺揚虞部詩秦甸

荒涼漢苑深當

時白虎斃千金江南地窄  
分茅少也學中原有上林

**博望苑**

在城東七里齊文惠太子所立輔公祏城

是也沈約郊居賦云睇東巘以流目心悽愴而不怡  
昔儲皇之舊苑實博望之餘基謝元暉游東田詩云  
魚戲新荷動鳥散餘花落卽此地也今城北

七里鍾山下

**婁湖苑**

齊武帝永明元年望氣者言婁湖有

天子氣帝乃築青溪舊宮作婁湖苑以厭之陳朝更  
加宏壯後其地爲光宅寺

**古江潭苑**

其地在新林路西去城二十里梁大同初

三十一

建康志卷三

吳

立案輿地志武帝從新亭鑿渠通新林浦又爲池闢  
大道立殿宇亦名王遊苑未成而侯景亂蔡宗旦金  
陵賦云訪江潭之大苑惟蕭溝之名存注今有溝名  
蕭家溝卽此也

**別苑**

一名

**西園**

晉安帝元興三年春桓元築別苑於

冶城案輿地志其城本吳冶鑄之處因名焉王導疾  
作因徙移冶出石頭城西以地名爲西園故晉書成  
帝幸司徒府游觀西園卽此處也太元十五年武帝  
爲江陵沙門法新於中立寺以冶城爲名至是桓元



盡移僧出居太后寺以寺為苑在今縣城西

**古芳林苑**案寰宇記一名**桃花園**本齊高帝舊宅在

古謂宮寺前巷近青溪中橋帝即位修舊宅為青溪

宮一名芳林園後改為芳林苑永明五年禊飲於芳林

王融曲水詩序云載懷平浦乃睠芳林蓋謂此也梁

天監初賜南平元襄王為第益加穿築蕭範為記言

藩邸之盛莫過於此馬野亭詩昔日曾為府署來誰

響但見芳林錦繡堆幾度劉郎來觀裏半年阮客住天台如今此地知何在桑柘成陰撥不開

**古建興苑**梁天監四年立建興苑於秣陵里侯景之

建康志卷三十一

亂裴之高迎致柳仲禮韋粲等俱會青塘立營據建

興苑其地在今府治西南秦淮南岸

**古元圃**齊文惠太子性頗奢麗宮內多雕飾精綺過

於王宮開拓元圃與臺城北塹等其樓觀塔宇多聚

奇石妙極山水慮上望見乃傍列脩竹內施高障造

游塙數百間太子志云丹陽郡建康縣臺城齊文惠

內作淨明精舍又梁書云昭明太子性愛山水

於元圃穿築更立亭館與朝士名素者游其中

嘗泛舟後池番禺侯軌盛稱此中宜奏女樂太子不答誦左思招隱詩何必絲與竹山水有清音軌慙而止其地在府城東北隅

**百南苑** 在瓦官寺東北宋明帝末年張永乞借南苑  
帝云且給三百年期滿更請後帝葬於此梁改名建  
興苑在秣陵建興里侯景舉兵攻臺城司州刺史等  
皆來赴援裴之高營於南苑即此也

陽虞部詩張永  
移家入洞天綠  
篁紅藕舊林泉人間滿百人應少明帝恩深三  
百年。○**馬** **野亭** 詩當時南苑最新奇勝似其他  
東復西多少園亭行不到縱橫石徑動成迷香  
風十里荷花蕩翠影千行柳樹隄伊被何人會  
借住端如誤  
入武陵溪

**古桂林苑** 陶季直京都記曰建康縣北漢朝為桂林

苑南朝宮苑記曰桂林苑在落星山之陽吳都賦云

二フハナ  
建康志卷二十一  
五

數軍實於桂林之苑即此也屬上元縣慈仁鄉

**南唐北苑** 徐鉉湯悅徐鍇有北苑侍宴賦詠序云望

蔣嶠之嶽峯祝為聖壽泛潮溝之清淺流作恩波其  
地在城北

**烏衣園** 在城南二里烏衣巷之東王謝故居一堂扁

曰來燕歲久傾圮咸淳元年五月馬公光祖撤而新

之堂後植桂亭曰綠玉香中梅花彌望堂曰百花頭

上其餘亭館曰更履曰穎立曰長春曰望岑曰挹華

曰更好左右前後位置森列佳花美木芳蔭蔽虧非

復曩時寒煙衰草之陋矣

北谷羅必元詩烏衣池館一時新晉宋齊梁舊主人

無處可尋王謝宅落花啼鳥秣陵春○履齋吳

公履齋滿江紅詞柳帶榆錢又還是清明寒食天

一笑滿園羅綺滿城簫笛花樹得晴紅欲染遠

山過雨青如滴問江南池館有誰來江南客烏

衣巷今猶昔烏衣事今難覓但年年燕子晚煙

斜日抖擻一春塵土債淒涼萬古英雄跡且芳

樽隨分趁芳時休虛擲○退菴吳公淵和投老

未歸太倉粟尚教蠶食家山夢秋江漁唱晚峯

牛笛別墅流風慙莫繼新亭老淚空成滴笑當

年君作主人翁今為客紫燕泊猶如昔青鬢改

難重覓記攜手同遊此處恍如前日且更開懷

窮樂事可憐過眼成陳跡把憂邊憂國許多愁

權拋擲○履齋又和與出山來把鷗鷺盟言輕

會依舊是江濤如許雨帆煙笛歌斷莫愁檀板

緩盃傾白墮瓊酥滴但驚心十六載重來征埃

客秋風鬢應非昔夜雨約聊相覓歎主恩未報

五方五十六

建康志卷三十一

至

無多來日故國千年龍虎勢神州萬里鷗鷺跡

笑謝兒出手便呼盧擣蒲擲○樂潤齋

騷困陰夢醒訪臺城舊路問流水東入滄溟還

解流轉西不烏衣夢浪傳故國晴煙苒苒宮墻

樹念陰魂淒斷待隨燕子來去回首十年欄錦

花場趁陰雲賦雨可曾對寶瑟知音高軒為誰

輕駐倚東風愁長笑短水雲深春江日暮伴羈

懷唯有征衫貯寒半縷高情謾賦蕙帶蘭襟蛾

眉古來相妒英雄到江南易老後來誰更風景

傷心淚沾樽俎登山宴水橫江酌酒傾將慷慨

酬形勢付興亡一笑翻歌舞獨醒難繼山公上

馬旌旗動又還驚起鷗鷺危亭恨極落盡寒香

怕道斷腸句有多少行星翠點春淺寒深孕粉

藏香蝶清蜂瘦因孤絲筆芳牋擬待倩取遊絲

繫却離緒旋寫入鳴弦柱曲高調古美人

何在誰比和此幽素○橋岳張詩柳梢青燕

里花深鷺汀雲澹客夢江臯日日言歸淮山笑

我塵鎖征袍幾回把酒憑高欄千外魂飛暮濤

建康志補

只有南園一番  
風雨過了櫻桃

**東園**

在城東東冶亭側面東有堂曰鍾山以其盡

得鍾山之勝名之近東有兩亭相對南曰見墩取其  
見謝安舊墩之意北曰草移取北山移文之意乾道

五年與東冶亭並創

**宿東園**

陳王鬪雞道  
安仁采樵路東郊豈異昔聊可

閑余步野徑既盤紆荒阡亦交互槿籬疎復密  
荆扉新且故樹頂鳴風颺草根積霜露驚麀去  
不息征鳥時相顧茅棟嘯愁鴟平岡走寒兔夕  
陰帶層阜長煙引輕素飛光忽我道寧止歲云  
暮若蒙西山藥  
顏齡儻能度

**郊園**

在鍾山下約憩郊園和約法師詩云郭外

三

建康志卷三

至

三十畝欲以買明館繁蔬既綺布密果亦星懸謝朓  
有和沈祭酒行園詩 舊志

**半山園**

在今報寧禪院是其地王荆公營居半山園

有詩示蔡天啟備其事所謂今年鍾山南隨公作園圃者  
是也又有次吳氏女子詩注云南朝九日臺在孫陵曲街旁去吾  
園只數百步舊志

**繡春園**

在府社壇東隸運司端平二年高公定子作

記云子昔經行得繡春堂於酒名揭自將置用苑在界有莊開東  
址亦未知何所客為子言繡春馬所取名至謂之曰藥刻春堂  
霄漢立綵服日向庭閣趨乃杜少陵無壽夭之句卷意名也每何  
堂而願諸司存造船場有餘隙亦願益今廢影鈔東之恭補  
之匪事游觀其以示興廢之一端平二年九月臨印高定子瞻  
叔識

景定建康志卷之二十二終